

Makapahay a riyar

O riyar

Tadafangcal a nenengen ko riyar.

Maratar to dafak. romakat i salawacan no tapelik. mitengil to radiw no tapelik.

Pacafay han nako a romadiw to haynarowan.

O tadafangcalay a mikakengay ako ko tapelik.

O riyar

Ano maroray ko falocu' ako. romakat i tafutafukan.

Tapal han ko riyar. pasifana' to roray no falocu' ako.

Ya mataringay to mihecahecaan a roray i falocu' ako. Mato maserarayto.

O tadafangcalay a ising no falocu' ako ko riyar.

O riyar

Ano lafi' i misalama^ ato widang.

Kayat han ko kamay no widang romakat i tafotafokan. mitengil to ngiha no tapelik.

Mato pasifana'ay ko riyar. Matama^ayto iso ko fangcalay a cafay sanay.

O tada fangcalay a pakayakayay ako ko riyar.

O riyar

I tini i 'orip niyam. Adi:hay ko pipadang nira.

Ano awa ko payso niyam. tayra i riyar a mifuting to sapariwal.

Mangalay to kadofahay a sinafel. Tayra i riyar mipodpod to kalomaamaan mafecul.

O sata'angayay a pasodaan no sawaliay a tamdaw ko riyar.



曾泊英

高雄市立大灣國中族語支援教師

Pasawalian Pangcah

海岸阿美語 | 新詩 優選

美麗的海洋

海

深藍帶綠的海洋是多麼美麗
大清早走在沙灘上靜聽著海浪優美歌聲
我也不知不覺的伴隨著海浪唱起歌謠
您是我最佳的天然伴唱音樂團

海

在我心情孤獨時走在沙灘上
望著海訴說我心理的不如意
積壓多年的心胸石塊瞬間解放
您是我最佳的心理醫療師

海

夜深人靜時與朋友約會
牽著愛人的手走在沙灘上.聆聽著海浪的聲音
海浪似乎在祝福我找到好伴侶了
您是我最佳的媒人大人

海

在我們的生活有最大幫助
經濟來源由大海捕魚就可行
豐盛菜餚到海浪邊撿就有
您是海岸線最佳的大自然冰箱